

Headline	Umno akan terus pertahan hak Melayu dan Bumiputera		
MediaTitle	Sinar Harian		
Date	02 Dec 2016	Color	Black/white
Section	Nasional	Circulation	279,000
Page No	2	Readership	837,000
Language	Malay	ArticleSize	75 cm <sup>2</sup>
Journalist	N/A	AdValue	RM 738
Frequency	Daily	PR Value	RM 2,215



## Umno akan terus pertahan hak Melayu dan Bumiputera

UMNO akan terus mempertahankan negara daripada diperintah parti yang tidak melindungi hak dan keistimewaan orang-orang Melayu dan Bumiputera.

"Satu perkara lagi saudara dan saudari, pastinya kita sebagai umat Islam akan berasa risau, sakit hati dan marah, laksana diracun dan

didamak, apabila syiar Islam dan pengamalannya akan tentu di-remeh-remehkan, sekiranya DAP yang memerintah," kata Najib.

Bahkan, kata Najib, lebih dahsyat dari itu, jika dikaji perlembagaan DAP, tiada langsung menyebut Islam Agama Persekutuan, tidak dinyatakan menjunjung Institusi

Raja-raja Melayu dan tidak tertulis satu ayat pun usaha melindungi hak dan keistimewaan orang-orang Melayu dan Bumiputera.

"Waima, institusi-institusi berkaitan Melayu Islam seperti Lembaga Tabung Haji, Jabatan Kemajuan Islam Malaysia, Jabatan Wakaf, Zakat & Haji, Lembaga

Zakat Negeri-Negeri akan diperlekeh dan dicabar kewujudannya.

"Saudara dan saudari, kita tidak akan sesekali membiarkan semua ini berlaku. Bak sumpah nenek moyang kita, langkah dulu mayat saya dan semua umat Melayu, kita akan bangkit dan pertahankan habis-habisan!" katanya.